

أَيُّوَةٌ يَعْنِي نَعْمَلُ أَيُّهُ دَلُوقْتِي!!!

أَمْجَدُ سَمِير

عليكم ورحمة الله وبركاته. قصة عجيبة النبي عليه الصلاة والسلام حكاه لنا. ثلاثة خرجوا من بيوتهم وهم ماشيين الليل دخل عليهم بصوا لقوا غار قالوا ندخل نقعد في الغار ده لغاية الصبح دخلوا - [00:00:03](#)

سفرة كبيرة وقعت قفلت باب الغار عليهم. حاولوا يزقوها لم تندفع الصخرة. قالوا خلاص لن ينجيكم اليوم الا ان تدعوا الله بخالص اعمالكم بصالح اعمالكم. روايتين الاول ابتدى يدعي بانه كان له ابوان شيخان كبيران وكان يرجع باللبن اخر النهار ما حدش يشرب قبل ابوه وامه رجع في يوم لقاهاهم نايمين كره - [00:00:13](#)

ان هو يصحيهم وكره انه يسقي حد تاني قبلهم. فضل واقف وماسك اللبقة على ايده مستنيينه لغاية ما يصحوا صحوا شربوا اللبن التاني كان له بنت عمه كان بيحبها جدا. آآ المت بها سنة محتاجة فلوس جات له. راودها عن نفسها امتنعت ومشيت. رجعت له تاني بعدها بفترة. راودها عن نفسها - [00:00:34](#)

فلما قعد منها مقعد الرجل من امرأته قالت يا عبد الله اتق الله ولا تفضن الخاتمة الا بحقه قال فقمت عنها وهي احب النساء الي ودفع لها ما تريد من المال - [00:00:51](#)

الثالث كان له اجراء ادى لكل اجير اجره الا واحد رفض ياخذ الاجر بتاعه غضبان مشي رجع له بعد فترة قال له اديني اجري كان هو سمر له اجره نماه اشتغل به - [00:01:02](#)

يعني وكان المال ده ربنا يبارك فيه قال له كل اللي انت شايفه ده بقى من البقر والغنم والابل كل ده بتاعك حتى الراجل قال له يعني لا تستهزئ به انت بتتريق عليه قال له لا استهزأ بك. فخذ كل الفلوس دي ومشي - [00:01:12](#)

فاول واحد لما دعا قال اللهم ان كنت فعلت ذلك ابتغاء وجهك ففرج عنا ما نحن فيه. ان فرجت الصخرة شيئا لكنهم لا يستطيعون الخروج التاني دعا وقال اللهم ان كنت فعلت ذلك ابتغاء وجهك ففرج ما نحن فيه ان فرج الصخرة شيئا لا يستطيعون الخروج. الثالث الفرج الصخرة وخرجوا يمشون - [00:01:27](#)

هنا يا جماعة عاوزين نتكلم على ثلاث معاني مهمة جدا جدا في الزروف اللي احنا عايشينها دلوقتي. اللي العالم الكوكب كله عايشها اول معنى ان ربنا يا جماعة زي ما ليه آيات شرعية متلوة الآيات اللي في المصحف وكثير منا اهو رمضان داخل ومع رمضان بنبتدي نهتم بالمصحف اهتمام زائد وبيبتدي - [00:01:45](#)

الناس تسأل احنا عاوزين نقرا تفسير مبسط عاوزين نفهم مراد ربنا منا ايه ربنا بيقول الآيات دي ليه كذلك ربنا ليه آيات قدرية كونية لازم نفهمها ايه ده! ايه ده! يعني ايه - [00:02:02](#)

يعني ربنا سبحانه وتعالى لما عمل كده بالناس دي. اصحاب الغار دول اللي دخلوا الغار عملوا كده عبثا حاشاه. اكيد لآ. اكيد فيه معنى عاوز الناس دي تفهمه. ولما النبي حكى لنا القصة المعنى ده عاوزنا احنا كمان نفهمه - [00:02:13](#)

طب ايه المعنى؟ المعنى اصحاب الغار فهموه فعلا انه لن ينجيكم اليوم الا ان تدعوا الله بخالص عملكم او بصالح اعمالكم يبقى ده الابتدوا قعدوا مع نفسهم كده. هم الاول حاولوا يزقوا الصخرة اكيد زي ما اي حد كان هيعمل - [00:02:28](#)

ما قدروش قالوا لآ أقفوا بقى كده مع نفسكم. ربنا عمل ده ليه يبقى ربنا بعث فيروس يضرب الكوكب ليه؟ لآ أقفوا بقى مع نفسكم شوية نفهم آيات ربنا يا جماعة. آيات ربنا الكونية القدرية - [00:02:43](#)

فاللي في الغرب دول فهموا. فلما فهموا نجوا. لو ما كانوا فهموا كان يمكن الغرب فضل قبرهم الى يوم القيامة فهموا ان ربنا يريد

منا شيئاً. وده اللي احنا عاوزين نقف معه دلوقتي. يا جماعة ربنا يريد منا امورا - [00:02:57](#)

ربنا يريد منا حاجات نعملها. طب ايه الحاجات هنعرف كمان شوية ودي النقطة الثالثة اللي عاوزين نتكلم فيها في فيديو النهاردة يبقى اول حاجة نحاول يا جماعة نركز مع آيات حبنا الكونية القدرية نفهم مراده ايه - [00:03:14](#)

المعنى الثاني ان الثلاثة دول لما دعوا او الثلاثة لما قالوا انه لن ينجيكم الا تدعوا الله بخالص اعمالكم او بصالح اعمالكم. كان ممكن قوي ان اول واحد يدعو ربنا يفرج عنهم الصخرة - [00:03:26](#)

يخرجوا يمشون والدنيا زي الفل وخالص لكن ربنا سبحانه وتعالى ما عملش كده يعني اول واحد دعا الفرج صخرة شيئاً. وكأن في رسالة هنا لكن حاولوا يخرجوا مش عارفين. الثاني دعا الفرج انفرجت الصخرة شيئاً. حاولوا يخرجوا برضه مش عارفين. لغاية ما التالت بقى - [00:03:38](#)

فانفرجت الصخرة شيئاً يستطيعون الخروج منه. ايه الرسالة؟ اه ده احنا هنا لازم مسؤولية جماعية. يعني لازم كله يشترك مش واحد اللي نجاهم ولا اتنين ده الكل اولا الكل كان له اعمال سالحة. ما هو ما هو يا جماعة معلىش هو هنا مش الدعاء بس. ده هم دعوا بصالح اعمالهم - [00:03:58](#)

يعني لو ما كانش ليه العمل ده كان هيقعد يقول ايه يعني تتخيل نفسك كده انت الرابع بتاعهم. الاول ده عن فرس اخرة جم يخرجوا مش عارفين الثاني التالت واقفة عليك - [00:04:22](#)

ايه ايه هتعمل ايه الحاجة العظيمة في حياتك اللي ممكن تدعو بها في موقف زي ده فهنا المعنى ان كله اشترك. كله كان له اعمال سالحة وكله دعا ربنا سبحانه وتعالى - [00:04:33](#)

ايه ده يعني لازم كله يعني لو مش كله خالص احنا هنفضل في الكرب والبلاء مش بتاعتك ما تدخلش في الحثة بتاعة ربنا. ربنا امتى يفرج كيف يفرج بمن يفرج دي مش بتاعتك خالص. انت اللي عليك افهم مراد ربنا واعمله في خاصة في نفسك. طب انا ايه اللي مطلوب مني - [00:04:47](#)

اول حاجة ان يكون لك اعمال سالحة شكلها ايه؟ هنتكلم عليها ودي النقطة الثالثة تاني حاجة انك وقت ما ينزل بدأ تدعو الله عز وجل بهذه الاعمال الصالحة زي ما هم عملوا كده اللهم ان كنت تعلم او ان كان هذا ابتغاء وجهك - [00:05:02](#)

فرج عنا ما نحن فيه يبقى اول حاجة اولا تحصل العمل الصالح اللي له مواصفات خاصة كده ودي النقطة الثالثة زي ما قلنا تاني حاجة لما ينزل الكرب تدعو. تالت حاجة ودي مهمة انك تدعو غيرك - [00:05:17](#)

روح لغيرك تقول له خلي بالك ده فيه معنى مهم انت لازم يكون لك اعمال سالحة لازم تتوب لازم تقنع عن المعاصي ليه بقى؟ عارفين قصة السفينة اللي هو آآ ان هم النبي صلى الله عليه وسلم مثل الناس ان هم راكبين سفينة واحدة - [00:05:30](#)

والله لو شافوا واحد بيخرم خرم قال لك يا عم انا مالي! ما يخرم! هو انا اللي باخرم! لو لو الناس سابتة النبي صلى الله عليه وسلم قال فان هم تركوه هلك وهلكوا جميعا - [00:05:45](#)

وان هم اخذوا على يديه نجا ونجوا جميعا مفهومة ولذلك ربنا اشترط ايه وما كان ربك ليهلك القرى بظلم واهلها ايه؟ ما قالش واهلها صالحون قال واهلها مصلحون ركز واهلها يعني مش كده تبقى صالح في نفسك - [00:05:57](#)

لازم تبقى صالح في نفسك وتدعو غيرك. ايوة يا عم بس انا لا داعية ولا بعرف اتكلم ولا اعمل اي حاجة. لقيت كلام كويس شير الكلام دا. الفيديو اللي انت - [00:06:16](#)

عليه ده شير للفيديو. اعمل اي حاجة. اتصرف لكن دي مسؤولية عليك تلات حاجات. تحصل الاعمال الصالحة وطبعاً منها انك تقنع عن المعاصي وتتوب تاني حاجة انك وقت نزول البلاء زي البلاء اللي احنا فيه ده تدعي ربنا بالاعمال اللي انت حصلتها قبل كده دي. تالت حاجة تدعو غيرك انه يعمل ده - [00:06:26](#)

تالت نقطة عايزين نتكلم فيها النهاردة ودي نقطة خطيرة جدا جدا جدا ايه بقى الاعمال الصالحة اللي هم دعوا بها دية؟ قلت لك لو انت الرابع بتاعهم هتدعي تقول ايه - [00:06:46](#)

طبعاً اذهانا كلنا هتصرف ايه؟ قيام ليل. صيام نهار قراءة قرآن ذكر توبة كل دي معاني جميلة واعمال سالحة. لكن ولا واحد يا جماعة من الثلاثة دعا بجنس الاعمال دي - [00:06:57](#)

ما لاحظتوش ده؟ الثلاثة دعوا بحاجة تانية خالص. بجنس تاني من الاعمال. ايه هو؟ الاعمال اللي نفعها بيتعدى للغير. يعني اعمال بينهم وبين الخلق. اول واحد بين ابوه وامه. تاني واحد بينه وبين بنت عمته - [00:07:12](#)

بنت عمه. ثالث واحد بينه وبين اجير له فينك مع البني ادمين اللي كانوا صايمين امبارح وقاموا الليل امبارح شكلهم ايه بقى في المصالح الحكومية لما بيروحوا لو هم موزفين مع الناس لو هو زابط شرطة ولا قاضي ولا - [00:07:27](#)

والمهندس ولا دكتور ايا كان ايا كان. شكلك ايه مع مع الناس الاغنياء شكلهم ايه مع الفقراء يا جماعة اللي نجى الثلاثة مش خالص الاعمال اللي انت بتفكر فيها دلوقتى. لا قيام ليل ولا زكر ولا صوم نهار ولا انا مش بقلل من ده. لكن مش ده - [00:07:45](#)

انس الاعمال اللي الناس دي دعت به الناس دي دعت بجنس تاني خالص من الاعمال اللي بينفعوا بها الخلق وكأن المعنى اذا انت كنت سبب في انك تفرز كربة عن اخيك - [00:08:04](#)

كون على يقين ان ربنا سبحانه وتعالى هيعاملك بنفس المعاملة انه هيفرج عنك كربتك يوم ان تحتاج اليه سبحانه وتعالى فده جنس العمل اللي لازم تفكر فيه من النهاردة. وبالزات طبعاً احنا في الايام دي. ناس كتير فقدت اعمالها. ناس كتير مش لاقية تاكل. انا بتكلم

على ناس خلي بالك انا النهاردة - [00:08:19](#)

وانا في الشارع الناس اللي ابتدت توقفني وانا بالعربية عشان تقول لي عاوز اكل اشكال مختلفة عن اللي احنا متعودين عليها. ناس نضيفه ناس محترمة لابسة كويس ده حصل معي النهاردة - [00:08:37](#)

مرتين تقريبا النهاردة. في ساعتين زمن انا كنت فيهم في الشارع فالناس في احتياج شديد. رح انت دور على الناس دي ليه؟ لان هو ده جنس الاعمال اللي ربنا سبحانه وتعالى بيفرج به الكرب. ده جنس الاعمال اللي الثلاثة دعوا به - [00:08:50](#)

واضح مش معناه تسيب الصلاة والقرآن وكده لأ لكن لازم تركز في النوع التاني ده بالزات في الايام اللي احنا عايشينها دي. هسيب لكم في اول كومنت تحت آآ روابط مهمة جدا لتلات خطب بيتكلموا عن الموضوع ده - [00:09:05](#)

يعني لو دول اخطر حاجة ممكن تسمعوها في الايام دي يا جماعة وشير الفيديو شير الروابط بتاعة الخطب يعني يا ريت الكلام ده يوصل لأكبر عدد من الناس. والسلام عليكم ورحمة الله - [00:09:18](#)